



190900, Qumqo'rg'on tumani
O'zbekiston Respublikasi

190900, Qumqurgon, O'zbekiston shoh
street

Tel: (+99876) 465-20-78, Upgrade to Pro Version to Remove the Watermark, Email: i.qumqurgon@sud.uz

ЎЗБЕКИСТОН РЕСПУБЛИКАСИ НОМИДАН
ХАЛҚАРАВИЙ ИШ В ҚАРОРИ

2023 йил 26 июль Кумқўрғон тумани [redacted] -сонли иш

Кумқўрғон туманларaro иқтисодий суди, судья А.Холмуминов раислигида, судья ёрдамчиси Р.Хамдамованинг котибалигида, аризачи [redacted], жавобгар- [redacted] банклардаги ҳисобварақлари бўйича операцияларни 10 (ўн) кундан кўп муддатга тўхтатиб қўйиш тўғрисидаги аризаси бўйича қўзғатилган иқтисодий ишни аризачи вакили [redacted] (ишончнома асосида) иштирокида, Кумқўрғон туман Давлат солиқ инспекциясининг маъмурий биносида бўлиб ўтган очиқ сайёр суд мажлисида кўриб чиқиб, қуйидагиларни

А Н И Қ Л А Д И :

Аризачи [redacted] (бундан буён матнда “аризачи” деб юритилади) Кумқўрғон туманларaro иқтисодий судига мурожаат қилиб, жавобгар [redacted] (бундан буён матнда “жавобгар” деб юритилади)нинг банклардаги ҳисобварақлари бўйича операцияларни 10 (ўн) кундан кўп муддатга тўхтатиб қўйишни сўраган.

Суд мажлисининг вақти ва жойи тўғрисида тегишли тарзда хабардор қилинган жавобгар суд мажлисида иштирокини таъминламади.

Ўзбекистон Республикаси Иқтисодий процессуал кодекси (бундан буён матнда ИПК деб юритилади)нинг 170-моддаси учинчи қисмига асосан иш муҳокамасининг вақти ва жойи тўғрисида тегишли тарзда хабардор қилинган жавобгар, учинчи шахслар суд мажлисига келмаса, низо уларнинг йўқлигида ҳал қилиниши мумкин.

Мазкур ҳолатда суд, ИПКнинг 128 ва 170-моддаларига асосан ишни жавобгар вакили иштирокисиз кўриб чиқиш мумкин деб ҳисоблайди.

Суд мажлисида иштирок этган аризачи вакили жавобгар томонидан аризада кўрсатилган камчиликлар бартараф этилмаганлигини маълум қилиб, ариза талабларини қўллаб-қувватлаб, суддан аризани қаноатлантиришни сўради.

Суд ишдаги ҳужжатларни ўрганиб, суд мажлисида иштирок этган аризачи вакилининг тушунтиришларини тинглаб қуйидаги асосларга кўра ариза талабларини қаноатлантиришни лозим топади:

Иш ҳужжатларидан кўринишича, Ўзбекистон Республикаси Солиқ кодекси (бундан буён матнда “СК” деб юритилади)нинг 273-моддасига асосан солиқ тўловчилар, агар ушбу бобда бошқача қоида назарда тутилмаган бўлса, солиқ ҳисоботини ўзлари солиқ ҳисобида турган жойдаги солиқ органларига ўтган солиқ даврдан кейинги ойнинг йигирманчи кундан кечиктирилмаган муддатда тақдим этишлари белгилаб қўйилган бўлсада, [redacted] томонидан тегишли тартибда солиқ ҳисоботи тақдим этилмаган.

СКнинг 111-моддасига кўра, солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш тўғрисидаги

Ҳужжат имзолаган: Холмуминов Аббос Мухаммадиевич, 04.08.2023



қарор солиқ органининг раҳбари (раҳбар ўринбосари) томонидан ўн кундан кўп бўлмаган муддатга қабул қилиниши мумкин. Солиқ тўловчининг (солиқ агентининг) банкдаги ҳисобварақлари бўйича операцияларни ўн кундан кўп муддатга тўхтатиб туриш тўғрисидаги қарор солиқ органининг илтимосномасига асосан суд томонидан қабул қилиниши мумкин. Бунда солиқ тўловчининг (солиқ агентининг) банк ҳисобварақлари бўйича операциялари суд томонидан қарор қабул қилингунга қадар тўхтатиб турилади.

Солиқ тўловчининг (солиқ агентининг) банкдаги ҳисобварақлари бўйича операцияларни тўхтатиб туриш ҳақида қарор электрон шаклда солиқ органи томонидан банкка юборилади. Бунда солиқ органининг ўзида солиқ органи томонидан солиқ тўловчининг шахсий кабинетида қилинган операцияларнинг банкдаги ҳисобварақлари бўйича операциялар тўхтатиб турилиши тўғрисида хабарнома сабабларини кўрсатган ҳолда юборилади.

Юридик шахслар ва яқка тартибдаги тадбиркорларнинг банкдаги ҳисобварақлари бўйича операцияларни тўхтатиб туриш солиқ органи томонидан мазкур солиқ тўловчиларнинг (солиқ агентларининг) солиқ мажбуриятлари бажарилишини таъминлаш учун қуйидаги ҳолларда қўлланилиши мумкин: 1) ушбу солиқ тўловчи (солиқ агенти) томонидан солиқ органига молиявий ва (ёки) солиқ ҳисоботи бундай ҳисоботни тақдим этишнинг белгиланган муддати тугаганидан кейин ўн кун ичида тақдим этилмаганда; 2) солиқ тўловчи (солиқ агенти) томонидан солиқ органининг камерал солиқ текшируви натижалари бўйича талабномасига тушунтиришлар ва (ёки) тузатишлар белгиланган муддатда тақдим этилмаганда, шунингдек солиқ тўловчи томонидан солиқ органи талаб қилган ҳужжатлар тақдим этилмаганда; 3) солиқ текширувини ўтказиётган солиқ органларининг мансабдор шахсларини кўрсатилган ҳудудга ёки бинога (бундан турар жойлар мустасно) киришига тўсқинлик қилишда. Солиқ органи мансабдор шахсининг киришига тўсқинлик қилиниши унинг ўзи ва текшириладиётган шахс томонидан имзоланадиган далолатнома билан расмийлаштирилади. Бундай далолатнома асосида солиқ органи банкдаги ҳисобварақлар бўйича операцияларни тўхтатиб туради; 4) солиқ тўловчининг (солиқ агентининг) ўзи кўрсатган манзилда йўқлигида.

СКнинг 82-моддасига асосан солиқ ҳисоботи солиқ тўловчи ҳисобга олинган жойдаги солиқ органига белгиланган шаклда қоғоз ёки электрон шаклда ушбу Кодексга мувофиқ солиқ ҳисоботига илова қилиниши лозим бўлган ҳужжатлар билан бирга тақдим этилади. Солиқ тўловчи ушбу Кодексга мувофиқ солиқ ҳисоботига илова қилиниши лозим бўлган ҳужжатларни электрон шаклда тақдим этишга ҳақли. Юридик шахс бўлган солиқ тўловчилар ва яқка тартибдаги тадбиркорлар солиқ ҳисоботини ўзи ҳисобга олинган жойдаги солиқ органига белгиланган шакллар бўйича электрон ҳужжат тарзида тақдим этади.

Шунингдек, аризага томонидан жавобгарга юборилган солиқ ҳисоботини тақдим этиш тўғрисидаги хабарнома эътиборсиз қолдирилган.

ИПКнинг 66-моддасига асосан иш бўйича далиллар ушбу Кодексда ва бошқа қонунларда назарда тутилган тартибда олинган фактлар ҳақидаги маълумотлар бўлиб, улар асосида суд ишда иштирок этувчи шахсларнинг талаблари ва эътирозларини асословчи ҳолатлар, шунингдек низони тўғри ҳал қилиш учун аҳамиятга эга бўлган бошқа ҳолатлар мавжудлигини ёки мавжуд эмаслигини аниқлайди.

Шунингдек, ИПКнинг 74-моддасига кўра суд далилларга ишнинг барча ҳолатларини жамлаб, уларни суд мажлисида қонунга амал қилган ҳолда ҳар томонлама, тўлиқ ва холис кўриб чиқишга асосланган ўз ички ишончи бўйича баҳо беради. Ҳар бир далил ишга алоқадорлиги, мақбуллиги ва ишончилиги нуқтаи назаридан, далилларнинг йиғиндиси эса, етарлилиги нуқтаи назаридан



баҳоланиши лозим. Агар текшириш натижасида далилнинг ҳақиқатга тўғри келиши аниқланса, у ишончли деб тан олинади.

Суд мажлисида аниқланган ҳолатлар ва иш ҳужжатларидан, шунингдек, аризачи томонидан судга тақдим этилган маълумотларга кўра, жавобгар томонидан солиқ ҳисобсизни белгилаган муддаида солиқ органига тақдим этмаган.

Protected by PDF Anti-Copy Free
(Upgrade to Pro Version to Remove the Watermark)

ИПК 222-моддаси учинчи қисмининг тўртинчи бандига биноан ҳуқуқий таъсир чорасини қўллаш тўғрисидаги қонуннинг 19-моддаси асосида арз қилинган талаб қаноатлантирилган тақдирда, иқтисодий суди ҳал қилган қарорининг ҳулоса қисмида банклардаги ҳисобварақлар бўйича операцияларнинг қандай шартлар бажарилгунига қадар тўхтатиб қўйилганлиги кўрсатилади.

Ўзбекистон Республикаси "Давлат божи тўғрисида"ги Қонуни 9-моддаси биринчи қисмининг 19-бандига кўра, аризачи ва жавобгар – ҳуқуқий таъсир чораларини қўллаш тўғрисидаги ишлар бўйича иқтисодий судларда давлат божини тўлашдан озод қилинган.

Шу сабабли суд, тарафлардан давлат божи ундирмасликни лозим деб топади.

Юқоридагиларга ва Ўзбекистон Республикасининг Иқтисодий Процессуал Кодексининг 66, 74, 128, 170, 176-179, 215-222-моддаларини қўллаб, суд

ҚАРОР ҚИЛДИ:

Аризачи [Redacted] аризаси тўлиқ қаноатлантирилсин.

Жавобгар [Redacted] банклардаги ҳисобварақлари бўйича операция (бюджетга тўловлар, иш ҳақи, нафақалар, шунингдек ишлаб чиқаришдаги бахтсиз ходиса оқибатида соғлиқ ва ҳаётга етказилган зарарни қоплаш учун маблағлар бериш ҳоллари бундан мустасно)ларининг чиқиш қисми солиқ ҳисоботини тақдим этгунга қадар тўхтатиб қўйилсин.

Жавобгар [Redacted] хизмат кўрсатувчи барча банклар ҳисоб рақамлар бўйича операцияларни тўхтатиб қўйишга сабаб бўлган ҳолатлар жавобгар томонидан тўлиқ бартараф этилгандан сўнг, давлат солиқ органи хизмати томонидан тақдим этиладиган ёзма кўрсатмаси (қарори) асосида ҳисобварақлар бўйича операциялар тиклансин.

Мазкур ҳал қилув қарори ўн кун ўтгач қонуний кучга киради. Ҳал қилув қарори устидан норози томон(лар) ўн кунлик муддатда апелляция тартибида Қумқўрғон туманлараро иқтисодий суди орқали шикоят қилиш (протест келтириш)лари мумкин.

Раислик қилувчи

А.Холмуминов

